



ايه يا دنيا مش كفايه
تعبانه فيكى للنهايه
بحرك ليه على طول معكر
والحلو فيكى بقى ممرر
من يوم ماجيتك متغيره
ايامك غريبه ووشوش متغيره
من وقت ما كنت صغيره
شايله جبال هم وشقا
من ظلمك روحى متشققه
والشقى انكتب ع الجبين
ولا تعرف تمحيه كتر السنين
ايه يا دنيا مش كفايه
مفضل كده للنهايه؟
هى ايه بس الحكايه
ليه بس قصدانى انا
طب فرحينى ولو حتى سنه
حرمتى عليه ليه الهنا
ونسيت إحساسى بالفرح

كتبتيلي دموع الم وجرح
شمس الدفى بقت حروق
والقلب فيك بقى مشنوق
خنقتينى
خلتيني اتمنى افارقك
وادعى ربى كل ليله
انى ابعد عن ظلمك
سهر الاحبه ظلامه خوف
وسلامك بقى ضرب كفوف
ولسه ياما فيكى هشوف
كفايه بقى انا منك مليت
ياريت ما شفتك ولا ليكى جيت